



Lågen Spiseri AS
Lågaskarvegen 9
5724 STANGHELLE

Referanser:

Dykkar:
Vår: 20/116 - 20/938

Saksbehandlar:

Tore Henrik Øye
tore.henrik.oye@vaksdal.kommune.no

Dato:

18.02.2020

**Tildeling av serveringsløyve til Lågen Spiseri AS i serveringslokale på gbnr. 20/45.
Ansvarleg løyvehavar: Katrin Faugstad.**

Delegert vedtak. Saknr: 08/2020

Saksframstilling:

I søknad av 24.01.20 søker Lågen Spiseri AS, v/Katrin Faugstad, om nytt serveringsløyve for drift av serveringsverksemd, med bar/kafe/restaurant og selskapslokale som driftskonsept.

Søknaden er fremja på Vaksdal kommune sitt skjema for «Serverings-/og eller skjenkebevilling (KF-123)», og registrert i kommunen på søknadsdato. Søknaden har følgjande vedlegg:

- Utskrift av grunnbok (ettersendt).
- Firmaattest (ettersendt).
- Etablerarprøve for serveringsverksemd (ettersendt).
- Planløyving for serveringslokalet, med bilete/kart over stad for uteservering (ettersendt).

Føretaket skal nytte eigedomen gbnr. 20/45 til si drift, med Lågaskaret 9, 5724 STANGHELLE som adresse. Eigedomen har i følgje grunnboka, godkjent bygning for cafe-/restaurantdrift, med overnattings- og serveringsverksemd som næringsgruppe. I dette høve vart søknad til bygningsmynde i kommunen godkjent 01.01.2014 (knytt til tidlegare føretak si drift).

Katrin Faugstad er sett opp som dagleg leiar for verksemda, og har i følgje vedlegg, godkjent etablerarprøve for serveringsverksemd (dagsett 21.01.20).

Lågen Spiseri AS, org. nummer 924 000 597, er registrert i «Enhetsregisteret» med 56.101 «drift av restauranter og kafeer» som næringskode.

I følge søknaden skal føretaket ha ope i alle vekedagar, med følgjande opningstider:

- Måndag - torsdag og søndag : kl. 11:00 – 23:00 (ytre ramme)
- Fredag : kl. 11.00 – 01.00 (ytre ramme).
- Laurdag : kl .11:00 – 02.00 (ytre ramme).

Søkjar opplyser munnleg at det er ønskje om servering av mat fram til stengjetid.

Det vert lagt opp til inneservering heile året, og uteservering i perioden mai-august, med 50 sitjeplassar på kvar stad. Utestaden/terrassen er avgrensa med levegg mot området rundt.

Lovgrunnlag/rammeverk:

- «Lov om serveringsvirksomhet (serveringsloven)» LOV-1997-06-13-55, med forskrift.
- Rusmiddelplan for Vaksdal kommune, sist oppdatert 20. februar 2006.

Saksvurdering:

Rådmannen finn at søknaden er tilstrekkeleg opplyst til å gjere ei vurdering etter serveringslova, jf § 8. Det er ikkje funne naudsynt å spørje etter leigekontrakt, finansieringsplan eller driftsbudsjett.

Kommunen har retta førespurnad til Skatt Vest, Voss lensmannskontor og Mattilsynet etter § 6 i serveringslova. Det kom ikkje fram tilhøve som talar mot å gje serveringsløyve.

Søknaden om serveringsløyve ligg innanfor serveringslova sitt virkeområde, jf. § 2. Føretaket innfrir kravet til dagleg leiar etter § 4 i lova, og til godkjent etablerarprøve etter § 5, jf. kopi av vedlagt prøve. Vidare går det fram at søkjar har vesentleg innverknad på verksemda i høve til § 7 i lova. Serveringsverksemda ligg i godkjent bygg og lokale for føremålet med drifta.

Vaksdal kommune har ikkje eiga forskrift om opningstider for serveringsstader i kommunen, jf. § 15 i serveringslova, men rusmiddelplan med retningslinjer om skjenketider for skjenkestadar. Skjenketidene er fastsett til mellom kl. 08.00 og 01.00 for øl og vin, om ikkje anna er sagt. Skjenkeløyve er knytt opp til vilkåret om matservering, og rådmannen vurderer difor at det er naturleg med servering av mat fram til stengjetid.

Plassen som skal nyttast til uteservering er delvis skjerma frå omgjevnadane. Den er òg nytta ved tidlegare høve til liknande føremål. Rådmannen kjenner ikkje til at det har oppstått uheldige omstende som følge av uteservering, og har ikkje spesielle merknadar til planane.

Konklusjon:

Med bakgrunn i søknaden og gjeldande lovverk, vert det funne grunnlag for å tildele serveringsløyve til søkjar, jf. vedtak.

Vedtak:

Med heimel i «Lov om serveringsvirksomhet» § 3 først ledd, jf. § 1, får Lågen Spiseri AS, v/ Katrin Faugstad, serveringsløyve for drift av kafe/restaurant og selskapslokale i godkjent næringsbygg på gbnr. 20/45, Lågaskaret 45 på Stanghelle i Vaksdal kommune. Løyvet gjeld både servering inne og ute, og er gjeve på bakgrunn opplysingar i søknaden og føresetnadane i sakshandsaminga.

Krava i serveringslova §§ 4 til 6, jf. § 7, skal til kvar tid vere oppfylt. Om ikkje, kan kommunen trekkje serveringsløyvet attende, jf. § 19 i lova.

Dersom serveringsstaden er ute av drift i meir enn eitt år, eller om den ikkje er komen i drift eitt år etter at løyvet vart gjeve, fell serveringløyvet bort etter serveringslova § 25.

Mynde:

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

Klage:

Vedtaket er eit enkeltvedtak etter reglane i Lov om offentleg forvaltning. Vedtaket kan klagast på til kommunen, jf §§ 28-36. Klagefristen er 3 veker frå den dato de vart gjort kjent med vedtaket. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva de klagar på i vedtaket, og kva endringar de som part ynskjer. Klagen skal grunngjevast.

Med helsing

Helge Berset
Kommunalsjef Samfunnsutvikling

Tore Henrik Øye
Rådgjevar landbruk

Brevet er godkjent elektronisk og har difor ingen underskrift.

Kopi til:

Region sør og vest Mattilsynet Avdeling Bergen og omland 2381
Vaksdal kommune v/ Lin Tove
Thomassen

BRUMUNDDAL

Mottakarar:

Lågen Spiseri AS Lågaskarvegen 9 5724 STANGHELLE